

213-modda. Ommaviy mulk tushunchasi

Respublika mulki va ma'muriy-hududiy tuzilmalar mulkidan (munitsipal mulk) iborat bo'lgan davlat mulki ommaviy mulkdir.

Qoraqalpog'iston Respublikasida mulkchilik munosabatlari, shu jumladan ommaviy mulk munosabatlari ushbu Kodeks bilan, shuningdek Qoraqalpog'iston Respublikasi qonun hujjatlari bilan tartibga solinadi.

Qarang: mazkur Kodeksning [164](#), [168](#), [169](#), [214](#), [215-moddalari](#), O'zbekiston Respublikasining "O'zbekiston Respublikasida mulkchilik to'g'risida"gi Qonunning [18-moddasi](#).

214-modda. Respublika mulki

Yer, yer osti boyliklari, suv, havo bo'shlig'i, o'simlik va hayvonot dunyosi hamda boshqa tabiiy boyliklar, davlat hokimiyati va boshqaruvi respublika organlarining mol-mulki, davlat ahamiyatiga ega bo'lgan moddiy madaniy meros obyektlari, respublika budjetining mablag'lari, oltin zaxirasi, davlatning valyuta fondi va boshqa fondlari respublika mulkidir, shuningdek korxonalar va boshqa mulkiy komplekslar, o'quv, ilmiy, ilmiy-tadqiqot muassasalari va tashkilotlari, intellektual faoliyat natijalari, basharti bular budjet yoki davlatning o'zga mablag'lari hisobidan yaratilgan yoki sotib olingan bo'lsa, boshqa mol-mulk respublika mulki bo'lishi mumkin.

(214-moddaning birinchi qismi O'zbekiston Respublikasining 2018-yil 18-apreldagi O'RQ-476-sonli [Qonuni](#)

tahririda — Qonun hujjatlari ma'lumotlari milliy bazasi, 19.04.2018-y., 03/18/476/1087-son)

Qarang: mazkur Kodeksning 164, 168, 169-moddalari, O'zbekiston Respublikasining Yer kodeksi 16-moddasi, O'zbekiston Respublikasining "O'zbekiston Respublikasida mulkchilik to'g'risida"gi Qonuni 19-moddasi, O'zbekiston Respublikasining "Tabiatni muhofaza qilish to'g'risida"gi Qonuni 5-moddasining birinchi qismi, O'zbekiston Respublikasining "Yer osti boyliklari to'g'risida"gi Qonuni 4-moddasi, O'zbekiston Respublikasining "Suv va suvdan foydalanish to'g'risida"gi Qonuni 3-moddasi, O'zbekiston Respublikasining "O'rmon to'g'risida"gi Qonuni 4-moddasi, O'zbekiston Respublikasining "O'simlik dunyosini muhofaza qilish va undan foydalanish to'g'risida"gi Qonuni 4-moddasining birinchi, ikkinchi qismlari, O'zbekiston Respublikasining "Hayvonot dunyosini muhofaza qilish va undan foydalanish to'g'risida"gi Qonuni 4-moddasining birinchi, ikkinchi qismlari, O'zbekiston Respublikasining "Bankrotlik to'g'risida"gi Qonuni 143-moddasining uchinchi qismi, O'zbekiston Respublikasining "Temir yo'l transporti to'g'risida"gi Qonuni 3-moddasining birinchi qismi, O'zbekiston Respublikasining "Arxiv ishi to'g'risida"gi Qonuni 4-moddasi.

Respublika mulki bo'lgan mol-mulkni O'zbekiston Respublikasi Oliy Majlisi, O'zbekiston Respublikasi Prezidenti, O'zbekiston Respublikasi Hukumati yoki ular maxsus vakil qilgan organlar, agar qonunda boshqacha tartib nazarda tutilgan bo'lmasa, tasarruf qiladilar.

Qarang: “O‘zbekiston Respublikasida mulkchilik to‘g‘risida”gi Qonunning 20-moddasi.

Respublika mulki bo‘lgan mol-mulk davlat yuridik shaxslariga xo‘jalik yuritish yoki operativ boshqarish huquqi asosida biriktirib qo‘yilishi mumkin.

Qarang: mazkur Kodeksning 14-bobi.

Respublika mulki respublika budjetiga tushadigan soliqlar va boshqa majburiy to‘lovlar hisobidan, shuningdek qonunlarda nazarda tutilgan asoslarga ko‘ra boshqa tushumlar hisobidan tashkil etiladi.

(214-moddaning to‘rtinchi qismi O‘zbekiston Respublikasining 2008-yil 31-dekabrdagi O‘RQ-197-sonli Qonuni tahririda — O‘R QHT, 2008-y., 52-son, 513-modda)

Respublika mulki obyektlari qonun hujjatlarida belgilab qo‘yilgan tartibda va shartlar asosida xususiy mulk qilib berilishi mumkin.

Qarang: O‘zbekiston Respublikasining “Davlat tasarrufidan chiqarish va xususiylashtirish to‘g‘risida”gi Qonuni, Vazirlar Mahkamasining 2014-yil 6-oktabrdagi 279-sonli “Davlat mulki obyektlarini xususiylashtirish tartibi to‘g‘risidagi nizomlarni tasdiqlash haqida”gi qarori.

215-modda. Munitsipal mulk

Davlat hokimiyati mahalliy organlarining mol-mulki, mahalliy budjet mablag‘lari, munitsipal uy-joy fondi va kommunal xo‘jalik, korxonalar va boshqa mulkiy komplekslar,

xalq ta'limi, madaniyat, sog'liqni saqlash muassasalari, shuningdek boshqa mol-mulk munitsipal mulk bo'ladi.

Munitsipal mulk bo'lgan mol-mulkni, agar qonun hujjatlarida boshqacha tartib nazarda tutilgan bo'lmasa, davlat hokimiyati mahalliy organlari yoki ular vakil qilgan organlar tasarruf etadilar.

Munitsipal mulk bo'lgan mol-mulk yuridik shaxslarga xo'jalik yuritish yoki operativ boshqarish huquqi asosida biriktirib qo'yilishi mumkin.

Munitsipal mulk mahalliy budjetga tushadigan soliqlar va boshqa majburiy to'lovlar hisobidan, shuningdek qonun hujjatlarida nazarda tutilgan asoslarga muvofiq boshqa tushumlar hisobidan tashkil etiladi.

(215-moddaning to'rtinchi qismi O'zbekiston Respublikasining 2008-yil 31-dekabrdagi O'RQ-197-sonli Qonuni tahririda — O'R QHT, 2008-y., 52-son, 513-modda)

Munitsipal mulk obyektlari qonun hujjatlarida belgilangan tartibda va shartlar asosida xususiy mulk qilib berilishi mumkin.

Qarang: mazkur Kodeksning 164, 168, 169-moddalari, 14-bobi, O'zbekiston Respublikasining "O'zbekiston Respublikasida mulkchilik to'g'risida"gi Qonuni 22, 23-moddalari, Uy-joy kodeksining 41-moddasi, O'zbekiston Respublikasining "Davlat tasarrufidan chiqarish va xususiylashtirish to'g'risida"gi Qonuni, O'zbekiston Respublikasining "Davlat uy-joy fondini xususiylashtirish to'g'risida"gi Qonuni.

Qarang: sud amaliyoti.